

Broj: 03-04-838-25/24  
Sarajevo, 12.09.2024. godine

PARLAMENT FEDERACIJE BOSNE I HERCEGOVINE  
Zastupnički dom  
n/p gosp. Draganu Miokoviću, predsjedatelju ✓

Државна агенција за  
Федерација Босне и Херцеговине  
ПАРЛАМЕНТ ФЕДЕРАЦИЈЕ  
САРАЈЕВО

Primijeno: 16 -09- 2024			
Org. jed.	Broj	Priloga	Vrijednost
05/1	- 02 -	231	124

Predmet: Izjašnjenje Vlade Federacije Bosne i Hercegovine

Poštovani,

Sukladno članku 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u privitku akta dostavljam Vam Izjašnjenje Vlade Federacije Bosne i Hercegovine na Inicijativu da se pokrenu aktivnosti u suradnji s kantonalnim zavodima za javno zdravstvo kojim će se prevladati postojeće prepreke, odnosno osigurati uspostava čvrstog, potpunog i održivog registra oboljelih od malignih neoplazmi na razini svih kantona, a tako i na razini Federacije Bosne i Hercegovine, koju je podnijela Bisenija Mušedinović, zastupnica u Zastupničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 40. sjednici, održanoj 29. kolovoza 2024. godine i na 41. sjednici, održanoj 12. rujna 2024. godine.

S poštovanjem,



Privitak: kao u tekstu

CO: FEDERALNO MINISTARSTVO ZDRAVSTVA  
n/p gosp. Nediljku Rimcu, ministru

ZAVOD ZA JAVNO ZDRAVSTVO FEDERACIJE BOSNE I HERCEGOVINE  
n/p gosp. Siniši Skočibušiću, direktoru

Na temelju članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10, 39/20 i 67/21) i članka 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08, 26/20 i 13/24), nakon razmatranja Inicijative da se pokrenu aktivnosti u suradnji s kantonalnim zavodima za javno zdravstvo kojim će se prevladati postojeće prepreke, odnosno osigurati uspostava čvrstog, potpunog i održivog registra oboljelih od malignih neoplazmi na razini svih kantona, a tako i na razini Federacije Bosne i Hercegovine, koju je podnijela Bisenija Mušedinović, zastupnica u Zastupničkom domu Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva zdravstva, na 40. sjednici, održanoj 29. kolovoza 2024. godine i na 41. sjednici, održanoj 12. rujna 2024. godine, utvrdila sljedeće

## IZJAŠNENJE

Načelno se podržava Inicijativa Bisenije Mušedinović, zastupnice u Zastupničkom domu Parlamenta Federacije Bosne i Hercegovine, koja glasi:

"da se pokrenu aktivnosti u suradnji s kantonalnim zavodima za javno zdravstvo kojim će se prevladati postojeće prepreke, odnosno osigurati uspostava čvrstog, potpunog i održivog registra oboljelih od malignih neoplazmi na razini svih kantona, a tako i na razini Federacije BiH, u skladu sa Zakonom o zdravstvenoj zaštiti ("Službene novine Federacije BiH", broj 29/05), Zakonom o statistici u Federaciji BiH ("Službene novine Federacije BiH", broj 63/03), Zakonom o evidencijama u oblasti zdravstva ("Službene novine Federacije BiH", broj 37/12) te programom statističkih aktivnosti i Godišnjim provedbenim planom statističkih aktivnosti FBIH".

## OBRAZLOŽENJE

Po primitku inicijative zastupnice Bisenije Mušedinović, Federalno ministarstvo zdravstva je istu prosljedilo Zavodu za javno zdravstvo Federacije BiH, kako bi se očitovao o ovoj inicijativi sukladno svojim nadležnostima i mandatu. Naime, sukladno članku 15. Zakona o evidencijama u zdravstvu ("Službene novine Federacije BiH", broj 37/12), Zavod za javno zdravstvo FBIH daje prijedlog Federalnom ministru zdravstva za izdavanje Naredbe o vođenju registara o bolestima od većeg socijalno medicinskog značaja, a što između ostalih podrazumijeva i malignu bolest.

Napominjemo da je Federalno ministarstvo zdravstva, i prije ove i drugih sličnih inicijativa, bilo opredijeljeno za jačanje kapaciteta u zdravstvenom sustavu u smislu stvaranja ambijenta za efikasniji, kvalitetniji i učinkovitiji odgovor zdravstvenog sustava kada je u pitanju promocija zdravlja i prevencija bolesti, posebno malignih oboljenja koja danas predstavljaju ozbiljan javnozdravstveni problem. Također je davalo punu podršku uvođenju informaciono komunikacionih tehnologija, počevši od primarne razine zdravstvene zaštite, kao preduvjeta za sveobuhvatnije i kvalitetnije prikupljanje i analizu podataka bitnih za zdravstveni status pacijenta, bolje provođenje menadžmenta masovnih hroničnih nezaraznih oboljenja, što uključuje maligna oboljenja, od strane timova obiteljske/porodične medicine.

Federalno ministarstvo zdravstva je također pokrenulo aktivnosti s međunarodnim partnerima i kreditorima u svrhu obezbjeđivanja finansijskih sredstava, koja bi bila usmjerena na analizu raspoloživih resursa za provedbu preventivno promotivnih programa, kao i analizu u oblasti informacionih tehnologija.

Trenutno se vrše sve pripreme aktivnosti vezane za implementaciju Projekta unapređenja zdravstvenog sustava, kroz kredit Svjetske banke, a u okviru kojeg će se značajnim dijelom provoditi aktivnosti na daljoj uspostavi integriranog informacionog sustava u sektoru zdravstva F BiH. Nakon provedene sveobuhvatne analize u ovoj oblasti, planirano je da se postojeći informacioni sustavi unaprijede.

Iz očitovanja Zavoda za javno zdravstvo, u svezi s ovom inicijativom, evidentno je da postojeći informacioni sustav koji Zavod za javno zdravstvo FBiH koristi, nije dostatan, te je neophodno u isti dalje finansijski ulagati u smislu nadograđivanja softverskog rješenja koje bi omogućilo i sveobuhvatan registar oboljelih od malignih neoplazmi u Federaciji BiH. Ovo podrazumijeva i planiranje finansijskih sredstava za održavanje postojećih softverskih rješenja. Federalno ministarstvo zdravstva će sukladno svojim nadležnostima nastaviti koordinirati sve ključne partnere, organizacije, institucije i ustanove s ciljem stvaranja svih preduvjeta za rano otkrivanje i preveniranje bolesti i promociju zdravlja, tako i za provedbu svih aktivnosti vezanih za dalje unapređivanje postojećih informacionih sustava, a posebno onih koji su neophodni zavodima za javno zdravstvo kao podrška boljoj analizi i razmjeni podataka, sačinjavanju boljih izvještaja, kvalitetnijem prikupljanju i obradi statističkih podataka, kao i kvalitetnijem izvještavanju u oblasti javnog zdravlja.

Slijedom naprijed navedenog, a svjesni javnozdravstvenog problema vezanog za porast oboljevanja od malignih neoplazmi, Vlada Federacije Bosne i Hercegovine načelno podržava i uspostavu registra oboljelih od malignih neoplazmi.

V. broj: 1456/2024  
12. rujna 2024. godine  
Sarajevo

